



It's BMW...Raise up your hand now

E grupo di rap local despues di lanza e tema cu popularmente ta wordo yamá 'Aja Jay Jay' sin duda lo bira e road jam di e aña'ki.

No tin duda di esaki ora cu e pieza aki sona na radio ta tur hende ta lanta nan volúmen. Y te hasta steelband, brassband y otro bandanan grandi tin e tema aki den nan repertorio.

Un grupo di 5 hoben cu a pone cabez hunto pa trece nan talento pa e pueblo di Aruba. E tipo di música aki no ta nan liña y puñanan ta wordo tira na nan direccion cu Monky see, monky do", pero como un bon Dakotero cu nan ta, nan contesta tabata masha facil 'Monky see. Monky do... You like what we do". Asina Master Gusto a duna nos di conocé den siman ora cu nos a

conbersá cuné y e muchanan di BMW.

Tur anochi nan ta presentando diferente caminda. Tambe nan a duna di conocé cu despues di carnaval nan ta cla pa nan 2do compacto cu lo tin hopi sorpresa.

Cu e pieza aki di carnaval ta habri mas e porta pa e muchanan aki por yega na unda nan kier yega. Cu fé y bon trabao nan lo logra esaki pasobra nan ta hobennan cu talento y Arubiano!

Brothers Making Wizdom (BMW) ta un grupo di 5 hoben cu lo ta riba caminda den e parada di carnaval cu Qua-Si. Rumannan, nos bon amigonan hopi suerte y tene bon cla cu e Road Jam ta di boso y si no ta asina boso a demostrá e grandinan cu boso tambe tey y por duna un bon producto..!

